

史通通釋卷十五

南杼秋浦起龍二田釋

外篇

點煩

第六○煩或作繁文內並同○小序一正條十四

夫史之煩文已於叙事篇言之詳矣

舊有然凡俗難曉下愚雖不移九字可歇宜削

七

叙事篇在六卷疑當作六

卷成言而三隅莫反蓋語曰百聞不如一見是

以聚米爲谷賊虜之虛實

此二字一止作居字

可知畫地成圖山川之形

勢

一少勢字

易悉釋

揭出丹黃點示之象

昔陶隱居本草藥有冷熱味者朱墨

點其名阮孝緒七錄書有文德殿者丹筆寫其字由是區分有

別品類可知釋援出成今輒擬其事鈔自古史傳文有煩者皆

以筆點其煩一無上煩字原注其點用朱粉雌黃並得凡字經點者盡宜去之如

其間有文句虧缺者細書側注於其右原注其側書亦用朱粉雌黃等如正行用粉則

側注者用朱黃以此為別或回易數字或加足片言俾分布得所彌縫無闕

庶觀者易悟其失自彰知一作如我撫實而談非是一作是非苟誣前

哲釋結明所以鈔明點示之意

按河東云參之太史以著其潔潔非瘦削之謂也劉子則以

削為宗然當六朝塗澤之餘從未有此辣手刮世眼者故是

韓柳輩前驅也可惜傳刻失直點去文留譬眺古者空憑廢

蹟而已

聚米為谷後漢馬援傳援字文淵屯田上林苑中帝自西征魏囂至漆召援援於帝前聚米為山谷指畫形勢

開示衆軍所從道徑往來分析曲折昭然可曉帝曰虜在吾目中矣

畫地成圖

漢張湯傳湯子安世安世長子千秋與霍光子禹隨擊烏丸還謁大將軍光問戰鬪方略山川形勢

千秋口對兵事畫地成圖無所忘失禹不能記日皆有文書光由是歎曰霍氏世衰張氏興矣

孔子家語曰魯公索氏將祭而忘其牲孔子聞之曰公索氏不

及二年

一有必亡二字

矣一年而亡門人問曰昔公索氏亡其祭牲而

夫子曰不及二年必亡今果如期而亡夫子何以知然

右除二十四字

按篇內加除標數舊作小書繫本條大書之下茲緣增有

小注及摘辯語因移置次行亞一格大書除上加右字○

標數必不免有差誤點失無考惜哉

家語曰晉將伐宋使覘之宋陽門之介夫死司城子罕哭之哀

覘者反言於晉侯曰宋陽門之介夫死而郭無而字司城子罕哭之
哀民咸悅矣宋殆未可伐也

右除二十一字加三字加一作移

按此條亦見檀弓○點煩本點史筆之煩而首之以家語二
條者蓋假前古複疊文法啟示其端隨手涉筆偶及之非有
所定主也已下大概皆就史記點之亦是隨筆所至

史記五帝本紀曰諸侯之史無此字朝覲者不之丹朱而之舜百姓

之史無此三字獄訟者不之丹朱而之舜謳謠者皆古本有皆字不

謳謠此二字一作之字按一作之字者當是除前獄訟句內不

二字亦當作之字也丹朱而謳謠舜已上堯紀舜年二十以孝聞三十而帝

堯問可用者云云舜年二十以孝聞年舊脫三十等字古本

有俗
本削堯舉之已上
舜紀

右除二十九字加七字

按文內如百姓之三字及之字皆字等卽細書側注之所加也傳寫者溷入之今轉嫌溷而存者遺落不全耳又節內有空格者以意起例別斷文也如謳譟舜之下則堯舜二紀分章處用者云云之下則舜紀中間節句處也凡此類後皆倣定○舜年二十複出之文見舜紀篇尾劉所點除正在於此古本有之而郭本削之點安所施北平本反從郭本未之思耳

夏本紀曰禹之父曰鯀鯀之父曰帝顓頊顓頊之父曰昌意昌意之父曰黃帝禹者黃帝之元孫而帝帝字照史補顓頊之孫也禹

之曾大父

舊衍曰字

昌意及父鯀皆不得在帝位為人臣

右除五十七字加五字

除數太多恐有誤

案顓頊紀中已具云黃帝是顓頊祖矣此篇下云禹是顓頊孫則其上不得更言黃帝之元孫既上云昌意及鯀不得在帝位則於下文不當復云為人臣今就於朱點之中復有此重複造次筆削庸可盡乎

也按此上四行舊本與除加標數連下今離列之似較清畫

項羽本紀曰項籍者下相人也字羽初

初字照史補

起時年二十四

其季父項梁梁父即

即字照史補

楚將項燕為秦將王翦所殺

史作戮

者也項氏世世

史有為字

楚將封於項故姓項氏

右除三十二字加二十四字釐革其次序

按此條皆史記原文不見有加字處蓋其所云細書側注者已盡失之矣抑恐此條所鈔亦當不止於此若止此三行亦安得有三十餘字之除革乎況文內殊少煩複異於他所摘者亦安所庸其除革乎更恐此條原本全失但存項羽本紀四字後人聊寫篇頭數語以當之耳

吕后

郭誤作氏

本紀曰吕太后者高祖微時妃也生孝惠帝

史有女字

魯

元公主及高祖為漢王得定陶戚姬愛幸生趙隱王如意高祖

嫌

史無此三字

孝惠為人仁弱高祖以為不類我常欲廢太子立戚

姬子如意如意

郭脫如

類我又

史無此三字

戚姬幸常獨

史無此字

從上之

關東日夜啼泣欲立其子如意以

史無此三字

代太子吕后年長常

留守希見上益踈如意立為趙王後幾代太子者數矣賴大臣

諍史作之及留侯策太子得無廢原注此事見高惠二紀及諸王叔孫通張良等傳過為重

疊矣今又見於呂后紀固可略而不言○劉意蓋謂并可不可不點矣而史既有之姑就其文點之

右除七十五字加十字據文止加八字

按此除加一行舊亦與前注并寫今照例離立

按文亦多高祖嫌又獨如意以等字欲去煩而煩轉滋矣故

知皆側注所加之文也而點則失之蓋見加不見除也

宋世家曰初元公之孫糾景公殺之史無此十字皆細書滙入者景公卒糾

之此二字史作宋公據上易糾之字則此公字亦宜省子特攻殺太子而自立是為昭

公昭公者此下史有元公之曾庶孫也昭公九字父公孫糾糾父公子郭脫此端二字

秦史疊端秦二字即元公少子也景公殺昭公父糾故昭公怨殺太子

而自立

據節首所加則白昭公者以下大半皆在所點除也

右除三十六字加十三字

據文止加十二字

按諸條間有加字闌入處而無除去原文之文獨此失元公曾庶孫等九字必是朱黃所點點或稍重侵入字裏傳寫者遺去之實亦應留受點者也

三王世家曰大司馬臣去病昧死再拜上疏皇帝陛下陛下過聽使臣去病待罪行間宜專邊塞之思慮暴骸中野無以報乃敢惟他議以干用事者誠見陛下憂勞天下哀憐百姓以自忘虧膳貶樂損郎員皇子賴天能勝衣趨拜至今無號位師傅官陛下恭讓不恤羣臣私望不敢越職而言臣竊不勝犬馬之

史無

之字下同

心昧死願陛下詔有司因盛夏吉時定皇子位惟陛下幸

察臣去病昧死再拜以聞皇帝陛下三月乙亥御史臣光守尙

書令奏未央宮

郭脫官字

制曰下御史六年三月戊申朔乙亥御史

臣光守

郭脫守字

尙書令丞非下御史書到言丞相臣青翟御史大

夫臣湯太常臣充大行令臣息太子少傅臣安行宗正事昧死

上言大司馬臣去病上䟽曰陛下過聽使臣去病待罪行間宜

專邊塞之思慮暴骸中野無以報乃敢惟他議以于用事者誠

見陛下憂勞天下哀憐百姓以自忘虧膳貶樂損郎員皇子賴

天能勝衣趨拜至今無號位師傳官陛下恭讓不恤羣臣私望

不敢越職而言臣竊不勝犬馬之心昧死願陛下詔有司因盛

夏吉時定皇子位惟陛下幸察制曰下御史臣謹

謹字照史補

與中

二千石二千石

疊三字照史補

臣賀等議曰

史無日字

古者裂地立國並建

諸侯以承天子所以尊宗廟重社稷也今臣去病上疏不忘其職因以宣恩乃道天子卑讓自貶以勞天下慮皇子未有號位臣青翟臣湯等宜奉義遵職愚史作懂音義同慙不逮事方今盛夏吉時臣青翟臣湯等郭本此上脫二十二字昧死請立皇子臣閔臣旦臣胥爲諸侯王昧死請所立國名

右除一百八十四字加一字

據文加三字

已上有言語相重者今略點廢如此但此一篇所記全宜削除今輒具列於斯藉爲鑒戒者爾凡爲史者國有詔誥十分不當取其一焉

句意過當有誤

故漢元帝詔曰蓋聞安民之道本由

陰陽間者陰陽錯謬風雨不時朕之不德庶幾羣公有敢言朕之過者今則不然媿合苟從未肯極言朕甚憫焉永惟蒸

庶之飢寒遠離父母妻子勞於非業之作衛於不居之宮恐
非所以佐陰陽之道也其罷甘泉建章宮衛士各令就農百
官各省費條奏母有所諱有司勉之毋犯四時之禁丞相御
史舉天下明陰陽災異者各三人及荀悅撰漢記略其文曰
朕惟眾庶之飢寒遠離父母妻子勞於非業之作衛於不居
之宮其罷甘泉建章宮衛士各令就農丞相御史舉天下明
陰陽災異者各三人自餘鈔撮佗皆倣此近則天朝諸撰史
者凡有制誥一字不遺唯去詔首稱門下詔尾去諸本作
云誤主
者施行而已時武承嗣監脩國史見之大怒謂史官曰公輩
是何人而敢輒減詔書自是史官寫詔書雖門下贊詔亦錄
後予聞此說每喟喟或作喟歎或
作唱喟並誤而已必以三王世家相比

其煩碎則又甚於斯是知史官之愚其來尙矣今之作者何獨笑武承嗣而已哉

按已上一段是引例語亦係另文舊本混作正條謬甚今刊置之

按御史叙錄霍疏大似近代公移每轉行一番必全叙一番所以然者一以免鈍胥之摘句失當也一以防姦吏之舞文售欺也乃若垂爲史法安可不知所裁

魏公子傳曰高祖始微少時數聞公子賢及卽天子位每過大梁常祠公子高祖十二年從擊黥布還爲公子置守冢五家世世歲以四時奉祠公子太史公曰吾過大梁之墟求問其所謂夷門以徵信陵君故事說者云當戰國之時

史無以徵以下十五字

夷門

者城之東門也天下諸公子亦有喜照史改舊誤作嘉士者矣然而信

陵君之接巖穴隱者不恥下交名冠諸侯有以也此七字史作有以也名冠

諸侯不虛耳高祖每過之奉祠二字照史刊正郭王本並倒不絕也舊脫也字

右除十五字加二十字加數亦不合

按此條亦見加不見除之一證○傳贊加字反覺退味此其

手筆落時處攻者顧莫之察要是此書敗端也愚不敢蔽

魯仲連傳曰仲連好奇偉倜史作倜音義同儻之畫史有策字而不肯仕官

王諤作宦任職好持高節遊於趙趙照史疊趙字孝成王時而秦王使白

起破趙長平之軍前後四十餘萬秦史有兵字遂東圍邯鄲趙王恐

諸侯之救兵莫敢擊秦軍軍字照史補亦作兵魏安釐王使將軍晉鄙救

趙畏秦止於蕩陰不進魏王使客將軍新垣衍間入邯鄲因平

原君謂趙王曰秦所為

或以

急圍趙者前與齊湣

史衍

王爭強

為帝已而復歸帝號

史無號字

今齊湣王已益弱方

或脫方字

今惟秦雄

天下此非必貪邯鄲其意欲復求為帝趙誠發使尊秦昭

史衍

為帝秦必喜罷兵

王衍而字

去平原君猶豫未有所決此時魯

史有仲字

同下連適遊趙會秦圍趙聞魏將欲令趙尊秦為帝乃見平原君

曰事將奈何平原君曰勝也何敢言事前亡四十萬之眾於外

今又內圍邯鄲而不能

史能字照補

去魏王使客將軍新垣衍令趙

帝秦今其人在此

史作是

勝也何敢言事魯連曰吾始以君為天

下之賢公子也吾乃今然後知君非天下之賢公子也梁客新

垣衍安在吾請

史作且

為君責而歸之平原君曰勝請為紹介而

見之於先生平原君遂見新垣衍曰東國有魯連先生者今其

人在此勝請為紹介而交之於將軍新垣衍曰吾聞魯連先生

齊史有國字之高士也衍人臣也使事有職吾不願見魯連先生平

原君曰勝史有既字已洩之矣新垣衍許諾魯仲連見新垣衍而無

言新垣衍曰吾視居此圍城之中者者字照史補皆有求平原君者

也今吾觀先生之玉貌非有所求於平原君者也曷為一脫為字史又

有久字居此重圍重圍史作圍城之中而不去魯連云云 梁未覩秦稱

帝之害故耳此二字一作也使梁覩秦稱帝之害則必助趙矣新垣衍

曰秦稱帝之害奈何魯連曰云云 吾將使秦王烹醢梁王新

垣衍快然不悅曰嘻史作噫嘻亦太一脫太字甚矣先生之言也先生又

烏一作焉能使秦王烹醢梁王魯連曰固也誤作矣吾將言之云云

依例當有云云字舊脫今秦萬乘之國也梁亦萬乘之國也俱據萬乘